

جَزِينَةُ حَكِيمَتِ

جمعه ایرتسی

نومرو	ذی القعدة	سنة	مارت	سنة	صیغه
۱۰۷۵	۳۰	۱۳۱۷	۱۸	۱۳۱۶	۱۵۵۱۷

(اشبو غزته بهر هفته جمعه ایرتسی کوندری یبقار . سنه لکی در معادلت ایچونه مجیدیه یکرمی غروسه)
 (مسایید التمه غروسدر . طشه لر ایچونه اوده بسه غروسه یوسه اصرتی ضم اولنور . بهر)
 (نسفمسی یز مجیدیه یکرمی غروسه اولوق اوزره یوزیارده هیرده صایلور . درج اولنه جوه اعلا ناک)
 (هیربندره بر مجیدیه اخذ اولنور . سنه لکه مشتری اولوق امتیازلر عدلیه نظارتی دایره سنده لایحه جیرده)
 (محاکم اداره سنه مراجعت ایلملیدر .)

قسمت سومی

(فی ۷ ذی القعدة سنه ۳۱۷ وفی ۲۴ شباط سنه)
 (۳۱۶ تاریخیه بالعموم ولایات شاهانه)
 (استیناف محکمه سی مدعی عمومیلرینه ومدعی)
 (عمومی بولنمیان محللر مدعی عمومی معاونلرینه)
 (یازیلان تحریرات عمومی صورتیدر)

تبعه اجنبیه نك محاکمه سی اجرا قلنه جق

قضایه طقوز سناعتدن بعید مسافه ده قونسلوس
 بولندینی حالده قونسلوسك حضورینه باقلمسزین
 دعاوینك رؤیتی حقنده کی تحریرات عمومی نك
 جناباته دخی شمولنه دایر برصراحت کور یله مندیکندن
 بوجهتک اشعار ی ضمنتده بالمخبره خارجیه نظارت
 جلیله سندن جواباً آلمان ۲۴ تشرین ثانی سنه ۳۱۵
 تاریخی تذکرده تحریرات عمومی مذکور احکامی
 سفارات اجنبیه جه قبول ایلدیکی جهته بوبابده
 اختلاف موجود اولدینی کی بونك جنایت
 دعوالرینه شمولنه امکان اولدینی بیلدیرلش

و کیفیت هر طرفه تبلیغ ایدلیدی کبی اشبو
تحریراتک نسخ مطبوعه کافیه سی لفا کوندراش
اولغله لدی الحاجه اکا کوره ایفای مقتضاسی
سیاقده شقه ترقیم قلندی .

(فی ۱۴ ذی القعدة سنه ۳۱۷ وفی ۲ مارت)
(سنه ۳۱۶ تاریخله عموم ولایات استیناف)
(محکمه سی مدعی عمومیلرینه ومدعی عمومی)
(بولنیمان محلل مدعی عمومی معاونلرینه یازیلان)
(تحریرات عمومی صورئیدر)

دیون عمومی اداره سی دوائر رسمیه دن
اوله رق دوائر رسمیه نك حاز اولدینی حقوق
وامتیازادن مستفید اولسی لازم کله جکته مبنی
دوائر رسمیه طرفندن دعوی وکیللرینه ویریه
کلکده اولان وکالتنامه لرك معامله تصدیقه دن
استثناسی حقنده کی اصول متخذ دیون عمومی
اداره لری طرفندن اعطای اولنان وکالتنامه لر
حقنده جاری اولمق لازم کلورکن بعض محاکمه
اداره مذکوره عائد وکالتنامه لرك مقاولات
محرر کلرندن مصدق اولدقجه قبول ایلامکده

اولدینی دیون عمومی قومیسرلکندن وارد
اولان ۹ کانون اول سنه ۳۱۵ تاریخلی تذکرده
بیان وازبار اولنمش ایدوکندن اصول متخذ
دائرة سنده ایفای معامله اولنمش خصوصنک
دائرة مأموریتلری داخلنده بولنان محاکمه تبلیغی
ضمننده اشبو تحریراتک نسخ مطبوعه کافیه سی
لفا ارسال قلنمش اولغله اجرای ایجابی سیاقده

قسم غیر رسمی

خداوند کار ولایتی داخلنده اینه کول
قصبه سنده مقیم سلیمان ایله بروسه ده ساکن
طریق متعهدلرندن عزتلو علی رضا افندی بنتده
متحدث دعوایه دائر بروسه تجارت محکمه سندن
۲۰ نisan سنه ۳۱۵ تاریخلی ویش عددی ایله
ویریلان اعلامک تصدیقی یولنده دائرة دن صادر
اولان ۲ تشرین اول سنه ۳۱۵ تاریخلی ویدیوز
طقوز عددلی اعلام علیه مومی ایله سلیمان اغا
طرفندن تصحیح قرار عرضالی اعطا قلنغله

عرضحال مذکورک زیرده محرر سبیدن طولایی
قبولی وجزای نقدی اولان ایکوز غروشک
اعاده سی قرارگیر اولدقندن صکره اوراق عتیقه سیله
بالمطالعه تدقیقات تمیزیه اجراسنه ابتدار قلندی

تصحیحی طلب اولنان اعلام مذکورک
خلاصه مالی مومی ایله علی رضا افندی نك امره
محرر ایکی قطعه سند موجبیه مرقوم سلیمان اغا
ذمتنده اله جفی اولان ایکوز الی عدد عثمانلی
لیراسنک تحصیلی حقنده اینه کول بدایت محکمه سنک
تجارت قسمنده اقامه ایدلیدی دعوی اوزرینه
محکمه مذکوره جه دعوی واقع تجارت
محکمه سنک وظیفه سی خارجنده اولدیغنه دائر
ویریلان قرار عند الاستیناف بین التجار وقوعه
کلان اقراض واستقراضدن متولد دعاوینک
مرجع رؤیتی محکمه تجارت اولدینی بیانیله فسخ
اولنمش وبوصورت محکمه تمیز استدعا دائرة سنجه
دخی تصدیق قلنمش اوزرینه مومی ایله علی رضا
افندی محکمه مذکوره به مراجعتله مذکور ایکوز
الی لیرا ایله ایجابنده ابراز وتودیع قلنه جق
دفترده محرر اولدینی اوزره استیناف وتمیز
مصارفی وضرر وزیان واجرت وکالت اوله رق
یوز بش لیرانک تحصیلی ومقدما وضع ایدیلان

حجزک تصدیقی وصدور ایدمک حکمک موقتاً
اجراسنی طلب ودعوی ومذکور ایکی قطعه
سندی ابراز واعطا ایتسنه قارشو مدعی علیه
مرقوم سلیمان اغا دخی مبرز سندلر زیرلرینه
موضوع مهرلر کندوسنک اولدیغنی اقراروقفقط
بدللرینی هنوز المامش وقرارنده کاذب بولنمش
اولدیغندن مدعینک تحلیفی مدافعه درمیان
ومدعیده هنوز یمین اجراسی زمانی کلیوب
کندوسی دعواسنی تصویر ایدمکجکی بیان
وکندوسی ایله مدعی علیه مرقوم سلیمان اغا
یکشهر وبله جک طریقنک تعمیرینی مشترکاً
الزام ایدوب عهده لرینه احاله اولندقندن صکره
کندوسی مرقوم سلیمان اغانک مذکور التزامدن
کفید ایتسی ایچون ایکوز لیرا ویرمش ایسه ده
مرقوم سلیمان اغا کندوسنه ایکوز الی لیرا
ویرمک کفید ایتسنی تکلیف ایتسی اوزرینه
کندوسی بوصورته راضی اولوب مبلغ مذکوره
مقابل مذکور سندلری الوب حصه سندن کفید
ایتدیکنی بیان ومدعی علیه دخی مبلغ مدعا به
جهت قرضدن طلب ایتدیکنی حالدله مؤخرأ
طریق تعمیری التزامندن طولایی دعوی ایتسی
موجب تناقض اولدیغنی درمیان ایدرک مدعینک
تحلیفی طلب ایتلری ومحکمه جه دخی مدعی ایله

طریق التزامندن طولای شرکتلری اولوب
اولدینی مدعی علیحدن صورلدقده جوابدن
امتناع و تمرد ایتسی و اخیراً اولنسان دعوتہ دخی
اجابت ایتللمسی اوزرینه وکیل مسخر تعینله
جریان ایدن محاکمه و تدقیقاتہ مدعی بدایت
دعواده قرض ادعاسنده بولمیشیکن مؤخرأ
شرکت ادعاسنه تحویل مدعا ایتسی تنافض
دعوائی موجب و بوجهتی مدعی علیک تصدیق
ایتماسیله مسئلہ نک بطلائی مستوجب بولندیقہ
بناءً محملہ نک بیک التیوز الی اوججی مادهسی
حکمنہ توفیقاً مدعینک دعوائی واقعہ سنک ردینہ
دائر بدایۃ صادر اولان اعلامی مومی الیہ علی رضا
افندی عدم قبول ایله استیناف ایلش و عندالاستیناف
حکم ابتدائی مذکور فسخ اولندقدن صکرہ
جریان ایدن محاکمه و تدقیقات استینافیہ نتیجہ سنده
مستأنف علی رضا افندی طرفندن طلب اولنان
مبالغک مستندالیہی اولان سندلر زینہ موضوع
مهرلر کند و سنک ایدوکنی مرقوم سلیمان اغا
تصدیق و اقرار و فقط حاوی اولدقلری مبالغی
المدینی جہتلہ مبلغ مذکور ذمتندہ اولدینی کی
یکیشهر و بیله جک شوسہ یوللرینک انشا
و تعمیراتی دخی یالکز کندوسی تعهد و التزام
ایدوب مستأنف مومی الیہ ایله بونک ایچون

ایدیلان حجزک دخی تصدیقہ حکمدن و مستدعی
تیمیز مرقوم سلیمان اغانک اشبو حکم علیهنده
لایحه سنده محرر اعتراضاتک خلاصہ سی مدعی
اولجه کندوسندن جهت قرضدن اله جفی
اولدینی دعوی و صکرہ پینلرنده عقد اولنسان
شرکتدن طولای اقامۃ دعوی ایتکلہ دعواده
تناقض حاصل اولدینی حالده محکمۃ استینافیہ جہ
اشبو یکدیگریہ مابین اولان دعواسنک قبول
و حکم ایدلمسی و قرض حقندہ اولان افادہ سنک
نظر اعتبارہ الخامسی و مذکور سندلر تاریخلری
پینلرنده کی اختلاف سؤال و تدقیق اولنقسزین
دفع واقعک مردودیتله حکم اولنسی یولسز
و مخالف قانون اولدیغندن بخلہ اعلام مذکورک
نقضی استدعاسندن و مدعی علیہ مومی الیہ علی
رضا افندیکنک لایحه جوابیہ سی مؤداسی دخی
سرد اولنان اعتراضاتک واهی و بی اساس اولدینی
بیانیله ردی و موافق اصول و قانون اولان اعلام
مذکورک تصدیقی طلبندن عبارت اولوب اعلام
مذکور دائرہ جہ موافق اصول و قانون کوریلهرک
تصدیق ایدلمشیدی

ایجابی مذاکرہ اولندقدہ اعلام مذکور
علیهنده مومی الیہ سلیمان اغا طرفندن ویریلان
تصحیح قرار استدعاسنده اساس معاملہ انشایی

دردست اجرا اولان طریقک تمتی اولوب طریق
ایسه تاریخ سننده هنوز انشا اولنماش
و میداندہ برحساب و معاملہ بولنماش ایکن
محکمہ جہ بورالری نظر اعتنایہ النقسزین کندوسنک
مبلغ مدعاہک ایفاسیله محکوم ایدلمسی یولسز و مغایر
قانون اولدینی ادعا قلمش ولدی التدقیق اعتراض
مذکور وارد اولوب هر فصلہ دائرہ اعلامندہ
بوراسی پیش نظرہ الخامش اولدیغندن اصول
محاکمۃ حقوقہ قانوننک ایکوز الی اوججی
مادهسی حکمنہ عرخیال مذکورک بونقطہ دن
قبولیله اصول مذکورک ایکوز اونوز ایکنجی
مادهسی موجبہ اعلام مذکورک سبب مشروحه
بناءً نقضیلہ دائرہ اعلامنک اولوجهلہ اصلاحہ
و اصول مزبورک ایکوز قرق بشجی مادهسی
حکمنہ توفیقاً کیفیتک بالرؤیہ اعلامہ ربطی ضمتندہ
محکمۃ مذکورہ اعادہ سنہ وزیرده مفردانی مرقم
اوجیوز طقسان اویچ بحق غروش مصارف
تمیزینک ایلرودہ حقسنر چیقہ جق طرفہ رجوع
ایتمک اوزرہ اول امرده مستدعی تصحیح مومی الیہ
سلیمان اغانک النسنہ ۱۳ تشرین ثانی سنہ ۳۱۵
تاریخنده متفقاً قرار ویرلدی .

غلطه ده خویار خاندن او تونز الی نومرولی
 او طه ده مقیم تجارتدن یانی ماورودی ایله یاغقاننده
 اون بر نومرولی مغازه ده ساکن صراف نیقوله
 حاجی پنا یو پت بندن متکون دعوا یه داتر محکمه
 استیناف تجارت قسندن ۹ ایلول سنه ۳۱۵
 تاریخی والتمش بدی عددی ایله ویریلان اعلام
 مزبور یانی ماورودی طرفندن تمیز ایدلمکله
 اعلام مذکور طرفینک اعتراض وجواب
 لایحه لریله بالمطالعه تدقیقات تمیزیه اجراسنه ایتدار
 اولندی

اعلام مذکورک خلاصه مالی مزبور
 یانی ماورودینک غلطه ده قلفات یرنده لئکر انداز
 اسکیلانام سفینه نک قبودانی طناش ایله متصرفی
 میخال « ق » میخال اوغلی ذمتلرنده امره محرر
 برقطعه سند موجبیه غیراز استیفا اله جنی اولان
 ایکوز یکر می سکز عدد عثمانلی لیراسیله یکر می
 الی غروشک تأمین استیفاسی ضمیمه سفینه
 مذکوره یه وضع ایلدیکی حجزک تصدیقیله
 فروخت اولنهرق اتمان حاصله سنک کندوسنه
 ویرلسنی تجارت بحریه محکمه سنه مراجعتله طلب
 ودعوی وبرقطعه سند ایله برده حجز نامه ابراز
 واعطا ایتیمی جهتله بر درجه به قدر محاکمه جریان

ایدرکن مدعی علیهما طرفندن کفالت ارا نه سیله
 حجز موضوعک فکی حقدن در میان اولنان
 ادعایک ردی قرار کیر اولمشکن وبوصره ده مرقوم
 نیقوله حاجی پنا یو پت بدی برقطعه عرض حال
 اعطاسیله سفینه مذکوره نک نصفی کندوسنک
 اولدیغندن سیروسفردن منع اولنماسنی وحجزک
 دخی فکیله تاریخ حجزدن فکسه قدر هر کون
 ایچون ایکشر عثمانلی لیراسی ضرر وزیاننک
 تحت حکمه النسنی ادعا ایله برقطعه سند بحری
 ابراز ایتیمی اوزرینه جریان ایدن محاکمه
 وتدقیقات نتیجه سنده مرقوم پنا یو پتک سفینه
 مذکوره نک نصفه متصرف اولدینی مذکور
 سند بحری مندرجاتیله ثابت اولدیغندن حجز
 موضوعک فکیله ضرر وزیان جهتک ایلروده
 تدقیقه ومدعینک طلب ودعوی ایلدیکی ایکوز
 یکر می سکز لیرا یکر می الی غروشک صحقی
 قبول واجرا ایلدیکی یمینیه ثابت اولدیغندن مبلغ
 مذکورک فائضیه برابر کرک سفینه محجوزه نک
 نصف حصه سنندن وکرکسه حصه مذکوره
 متصرفلری میخال ایله قبوداندن یکدیگریه
 کفیل بالمال اولمق اوزره تحصیلنه ومرقوم
 پنا یو پتک مذکور سفینه دن حسب الاشتراک
 انتفاع ایتیمکه اولسی جهتیله بوندن متولد ضرره

دخی تحمل ایتیمی لازم کله جکندن در میان
 ایلدیکی ضرر وزیان ادعاسنک دخی ردینه داتر
 محکمه مذکوره دن صادر اولان اعلامک محکمه
 استیناف تجارت قسمنجه بالتدقیق اسباب قانونیه
 مینی فسخیله مزبور یانی ماورودینک سفینه
 مذکوره نک سفره منع عزیمتی صورتیه وضع
 ایلدیکی حجز معامله سی فضولی اولسی جهتیله
 بوندن تحصیل ضرری تضمینه مجبوری درکار
 اولدیغنه بناء مرقوم نیقوله نک ضرر وزیان
 ادعاسنه حتی اولدینی قرار کیر اولدندن ضرر
 مذکورک ارباب وقوفدن بالتحقیق اشعاری
 ضمیمه تجارت او طه سنه تذکره یازیلهرق جوابی
 دخی الدقدن صکره جریان ایدن محاکمه وتدقیقات
 استینافیه نتیجه سنده مستأنف مرقوم نیقوله نک
 یوز طقسان لیرا تضمینات طلبنه حتی اولدینی
 تبین وتحقق ایلدیکنه بناء مبلغ مذکورک
 مستأنف علیه یانی ماورودین تحصیلنه حکمدن
 ومستدعی تمیز یانی ماورودینک اشبو حکم علیهنده
 لایحه سنده محرر اعتراضاتک باشلوجه سی
 بومثللو ضرر وزیانک تقدیری کیفیتی تجارت
 او طه سنک صلاحیتندن خارج اولوب اهل
 وقوفک محکمه جه وحضور خصمه استماعی
 مقتضی اولدینی کی ضرر مذکور محکمه جه

اساس اتخاذ ایدلش اولان قاعده یه تطبیق ایدیلور
 ایسه یوز قرق لیرایی تجاوز ایتیمه جکی درکار ایکن
 محکمه استینافیه جه یوز طقسان لیرا حکم ایدلسی
 مغایر قانون اولدیغندن محکمه اعلامک قضی
 ولایحه جوابیه مؤداسی دخی اعتراضات
 مذکوره نک غیر وارد اولدینی بیانیله ردی
 واصل وقانونه موافق اولان اعلامک تصدیقی
 استدعاسندن عبارتدر

ایجابی مذاکره اولدندقه اعلام مذکور
 مندرجاتندن منقهم اولدینی اوزره محکمه
 استینافیه جه محجوز سفینه نک تحت حجزده
 بولسدینی اوچیسوز اون ایکی کونک نصفی
 درجه سنده حال سفیده اولدینی فرض واعتبار
 ایدیلهرک مدت مذکوره نک ضرر وزیانی اولمق
 اوزره یوز طقسان لیرانک تحصیلنه حکم اولمش
 ایسنده مذکور سفینه مثللو کمور نقل ایدن
 سفانک اومت ظرفنده قاج دفعه اجرای سفر
 ایتدکلری تحقیق ایدیلهرک دعوی اولنان
 ضرر وزیانک تحقیق ایدن سفر اوزرینه تقدیر
 وحکم ایدلسی مقتضی ایکن محکمه جه بر منوال
 محرر قرار ویرلسی مغایر قانون اولدیغنه بناء
 اصول محاکمه حقوقیه قانوننک ایکوز قرق
 برنجی ماده سی موجبیه اعلام مذکورک نقصنه

وقانون مذکورک ایکوز قرق بشیجی مادهسی حکمنه توفیقاً کیفیتک رؤیت واعلامه ربطی ضممنده قسم مذکوریه اعاده سنه وزیرده مفرداتی محرر اوچوز طقسان سکر بچق غروش مصارف تمیزیه نک ایلروده حقسنر چقه جق طرفه رجوع ایتک اوزره اول امرده مستدعی تمیز یانی ماورودیدن الشمسنه ۱۵ تشرین ثانی سنه ۳۱۵ تاریخده متفقاً قرار ویرلدی .

سیروز قصبه سنک اطناطو محله سنده مقیم حاجی فوتی ولد انکله ایله محله مذکورده ساکن قومیسوخی کورکی اغورستوپولوس بیننده محدث دعوایه دار سیروز تجارت محکمه سنندن ویریلان ۱۱ حزران سنه ۳۱۴ تاریخلی و اوتوز سکر عددلی اعلام مرقوم فوطی طرفندن تمیز ایدلسکله اعلام مذکور یالکیز مستدعینک اعتراض لایحه سیله بالمطالعه تدقیقات تمیزیه اجرا سنه ابتدار اولندی

اعلام مذکورک خلاصه مالی مرقوم کورکی مزبور فوطینک متولسی اولدینی اطناطو

محله سی کلیساسنک اون سنه لک حسابی رؤیت ولزم کلان دفاترینی تنظیم ایتک اوزره مرقوم فوطی ایله مقاوله ایدرک الشمس کونده ایفای وظیفه ایتدیکی حالده مزبور فوطی اجرئی اولان طقوز یوز غروشی اعطادن امتناع ایتکده اولدیغندن بمحله مبلغ مذکورک تحصیلنی طلب وادعا ایتسی ویوم معینه مرقوم فوطینک عدم اجابی اوزرینه وکیل مسخر حضوریه اجرا قلنان محاکمه و تدقیقات نتیجه سنده عند الاعتراض اثبات ویمینه تعلیقاً مدعا به طقوز یوز غروشک مع گذشته تحصیلنه و مستدعی تمیز فوطینک اشبو حکم علیهنده لایحه سنده محرر باشلوجه اعتراضی دعوائی واقعه امور تجاریه دن متولد اولدینی حالده تجارت محکمه سنجه رؤیت ایدلسی وظیفه خارجنده اوله رق مخالف قانون اولدیغندن بمحله اعلامک تقضی استدعاسندن بولمشدر

ایجابی لدی المذاکره اعلام مذکور مطالعه سنندن اکلاشلدینی اوزره مدعی طرفندن ویریلان عرضحال مندرجانه کوره دعوائی واقعه حقوق عادیه دن اولوب رؤیتی حقوق محکمه سنه عائد ایکن تجارت محکمه سنده رؤیتی وظیفه خارجنده اوله رق مخالف اصول و قانون اولدیغندن مستدعی تمیزک بالاده محرر اعتراضی

دخی بوجهته متدار اوله رق موافق نفس الامر کورلدیکنه بناء اصول محاکمه حقوقیه قانوننک ایکسوز اوتوز ایکنجی مادهسی موجبجه اعلام مذکورک تقضیه قانون مزبورک ایکسوز قرق اوچنجی مادهسی حکمنه توفیقاً کیفیتک عائد اولدینی محکمه به حواله سنه وزیرده مفرداتی مرقم اوچوز طقسان اوچ بچق غروش مصارف تمیزیه نک ایلروده حقسنر چقه جق طرفه رجوع ایتک اوزره اول امرده مستدعی تمیز فوطیدن الشمسنه ۲۴ کانون اول سنه ۳۱۴ تاریخده متفقاً قرار ویرلدی .

اعلام

صلاحیت و مآذونیتی اولقسنرین مأمورین ملکیه متفرع موادی اجرا ایتدیکی واپشه خانمک پاره سنی طولاندردینی و خزینة اوقاف هایونک دعا کو وتولیه متدار رسمی وظیفه قوچانلرینه ساخته کارلق ایقاع ایلدیکی ادعاسیله

مظنون علیه اولوب غیر موقوف بولنان قیصه بویلی اسمر بکنزلی سیاه صلیق و بیقلی الا کوزلی قوسقه ده مصلا جاده سننده اوتوز بش نومرولی خانه ده متصرفاً ساکن استانه لی یکرمی التي یاشنده محمود عزیز افندی بن رفعت بکک اصول محاکمات جزائیة قانوننک مواد مخصوصه سی احکامنه توفیقاً درسعادت جنایت محکمه علیه سنده محاکمه سی اجرا قلنق و حرکات سائره سی اسباب مشده دن عد اولنق اوزره ساخته کارلق فعلندن طولایی قانون جزانک یوز قرق سکرنجی مادهسی موجبجه جنایتله اتهامه قرار ویرلدیکندن متهم مرقومک هر زده کوریلور ایسه طوتیلوب محکمه مذکوره توقیفخانه سنه تسلیمی لازم کله چکی بالجله ضابطه مأمورلرینک معلومی اولق اوزره اشبو اخذ و گرفت مذکره سی درسعادت هیئت اتهامیه سنندن بالتظیم اعطا قلندی .

۲۶ شباط سنه ۳۱۵

اوچيوز اون بش سنه سی اغستوسنك اون
سكزنجی چهارشنبه کیجه سی قرتال قصبه سی
چارشوسنده بالنازعه حسین دایی پی اوجی تیمورلی
دکنک ایله ضرب ایدرک متأراً وفاتنه سبیت
ویردکری ادعاسیله مظنون علیهما اولوب حال
فراده بولسان ارنود اشرف وکوکچک حسنک
اصول محاکات جزایه قانوننک مواد مخصوصه سی
احکامنه توفیقاً درسعادت جنایت محکمه علیه سنده
محاکمہ لری اجرا قلمق اوزره قانون جزانک یوز
یتیم یدنجی ماده سی علاوه سی موجبہ اہمالرینہ
قرار ویرلیدیکندن متهم مرقومانک ہر زہدہ
کوریلورسہ طوتیلوب محکمه مذکورہ توقیفخانہ سنہ
تسلیم لری لازم کلہ جکی بالجلہ ضابطہ عدلیہ
مأمورلرینک معلومی اولق اوزره اشبو اخذ
وگرفت مذکرہ سی درسعادت ہیئت اہامیہ سندن
بالتنظیم اعطا قلندی .

۲ مارت سنہ ۳۱۶

اوچيوز اون برسنه سی نیساننک اون برنجی
جمعه ایرتسی کیجه سی اغامانده بروسه زقاغندہ
مستأجراً اقامت ایلدکری خانہ دہ کی اشیای
یتیمہ لری دکرندن فضلہ سیغورطہ یہ قویوب بوکا
طمعاً قصداً احراق ایلدکری ادعاسیله مظنون
علیہما اولوب غیر موقوف بولسان بک اوغلندہ
بروسہ زقاغندہ هوا خانندہ یتیمت ایدوب
غلطہ دہ قرہ دی لیونہ بانقہ سی اتصانندہ کی قبائی خانندہ
یدی نومرولی او طہدہ دلالاتق ایتمکدہ اولدیغنی
سویلیان اورتہ بویلی سیاه صاج وقاشلی سیوری
الن و سیاه قاشلی الاکوزلی بیوک برون واغزلی
مطروش یوزلی تبعہ دولت علیہ دن اوتوز طقوز
یاشندہ سقوقلی دیرزی ولد یانی ایله بک اوغلندہ
سانتاماریا قارشوسندہ بش نومرولی خانندہ
ساکنہ تبعہ دولت علیہ دن اوتوز یاشندہ اوروقومی
بنت اندونا کینک اصول محاکات جزایه قانوننک
مواد مخصوصه سی احکامنه توفیقاً درسعادت
جنایت محکمه علیه سنده محاکمہ لری اجرا قلمق
اوزره قانون جزانک یوز التمش اوجنجی ماده سی
موجبہ جنایتلہ اہمالرینہ قرار ویرلیدیکندن
مرقومانک ہر زہدہ کوریلور ایسہ طوتیلوب
محکمه مذکورہ توقیفخانہ سنہ تسلیم لری لازم
کلہ جکی بالجلہ ضابطہ عدلیہ مأمورلرینک معلومی

اولق اوزره اشبو اخذ وگرفت مذکرہ سی
درسعادت ہیئت اہامیہ سندن بالتنظیم اعطا قلندی .

۴ مارت سنہ ۳۱۶

اوچيوز اون بش سنه سی ایلولک اون
یدنجی جمعه کیجه سی بیوک چکیمچہ داخلندہ اسپارته
قلعہ جوارندہ بالتهوز ہر کلہ جی محمدی جرح
وقتل ایلدیکی ادعاسیله مظنون علیہ غلاطاریہ
قریہ لی اورتہ بویلی صاری بیقلی اسمر بکوزلی
اکشینوز قریہ سندن علی بکک کہیاسی طریاندہ فیل
نام شخص فرار ایتمسندن وحقندہ اجرا اولنان تحقیقات
اوزرینہ ہیئت اہامیہ دہ جنایتلہ اہمانہ قرار ویرلمسندن
ناشی اصول محاکات جزایه قانوننک یوز یتیم
دردنجی ماده سنک فقرہ اولیسہ توفیقاً اون بش
سنہ مدتلہ کورکہ قولیسہ و اوتوز برنجی ماده
قانونیہ منظوقیمہ حقوق مدنیہ دن اسقاطیلہ
اموالنک حجزینہ محکمه جنایتدن غیاباً حکم
اولتمش و ذکر اولنان اصول محاکات جزایہ

قانوننک اوچيوز یتیم یدنجی و اوچيوز یتیم
سکزنجی و اوچيوز سکسان برنجی ماده لریلہ
مواد سائرہ سی احکامنه توفیق معاملہ اولغنی
مرجعہ بیلدیرتمش اولغلہ اعلان کیفیت اولنور .

۷ مارت سنہ ۳۱۶

اوچيوز اون درت سنه سی شباطنک یدنجی
کیجه سی غلطہ دہ پوستہ خانہ زقاغندہ باب
سرعسکری کتبہ سندن امین بکک تحت تصرفندہ
اولوب مستأجری بولدیغنی اون التی نومرولی
خانہ یی قصداً احراق ایلدیکی ادعاسیله مظنون
علیہ اولان اورتہ بویلی شیشمانچہ قرہ بیقلی قرہ
صاج وقاشلی مطروش و تخمیناً یکرمی سکز
یاشلرندہ کفالونیہ لی میجو فرار ایتمسندن وحقندہ
اجرا اولنان تحقیقات اوزرینہ ہیئت اہامیہ دن
جنایتلہ اہمانہ قرار ویرلمسندن ناشی اصول
محاکات جزایہ قانوننک اوچيوز یتیم برنجی
ماده سی موجبہ معاملہ مقتضیہ ایفا و محاکمہ

لازمه سی بالاجرا قانون جزانک یوز التمش
دردنجی ماده سنک فقره اخیره سنه توفیقاً اوچ سنه
مدتله کورکه قولسنه و اوتوز برنجی ماده قانونیه
منطوقیه حقوق مدنیه دن اسقاطیه اموالک
حجزینه محکمه جنایتدن غیاباً حکم اولمش
و ذکر اولنان اصول محاکات جزائییه قانونک
اوچوز یتیم یدنجی و اوچوز یتیم سکرنجی
و اوچوز سکسان برنجی ماده لریله مواد سارمه سی
احکامنه توفیق معامله اولمشی مرجعه بیلدیرلش
اولغله اعلان کیفیت اولنور .

۱۹ ذی القعدة سنه ۳۱۷

۷ مارت سنه ۳۱۶

اوچوز اون بش سنه سی اغشتوسنک
یکرمی التنجی پنجنشبه کونی طاطاولده چوبلک
نام محله بالنسازعه قوجویی جرح و قتل ایلدیکی
ادما اولمشندن طولای مظنون علیه اولوب محل
مذکورده ایا طاش ایزمه بوستانده و یسلک

باغچه سنه باغچوانلق ایتمکده بولنان طیقنازجه
وجودلی ترسیاه بیقلی اورته بولی تخمیناً یکرمی
اوچ یاشلرنده ارنبود نوروز بن سلیم فرار
ایتمسندن و حقنده اجرا ایدیلان تحقیقات اوزرینه
هیئت اتهامیه دن جنایتله اتهامه قرار ویرلمسندن
ناشی اصول محاکات جزائییه قانونک اوچوز
یتیم برنجی ماده سی موجبیه معامله مقتضیه
ایفا و محاکمه علیه سی بالاجرا قانون جزانک یوز
یتیم دردنجی ماده سنه توفیقاً اون بش سنه
مدتله کورکه قولسنه و اوتوز برنجی ماده قانونیه
منطوقیه حقوق مدنیه دن اسقاطیه اموالک
حجزینه محکمه جنایتدن غیاباً حکم اولمش
و ذکر اولنان اصول محاکات جزائییه قانونک
اوچوز یتیم یدنجی و اوچوز یتیم سکرنجی
و اوچوز سکسان برنجی ماده لریله مواد سارمه سی
احکامنه توفیق معامله اولمشی مرجعه بیلدیرلش
اولغله اعلان کیفیت ایتدار قلندی .

۷ مارت سنه ۳۱۶

قوم قپوده ساکن ایکن اقامتگاهلری بیلنه میان
صوتیری ولد یوان ویانی ولد یوان و دامیانوس
علیهنه دیمو و قره میچونک ورنه سی و صیسی قوزمه
ولد طومه لهنه درساعات ایکنجی تجارت
محکمه سنندن ویریلان حیزک فکی و مصارف
محاکمه نک تحصیل حکمنی متضمن ۲۳ شباط سنه
۳۱۵ تاریخلی اعلام غیابینک برقطعه صورت
مصدقه سی محکوم علیه مرقومانک اقامتگاهلری
مجهول بولندیجی جهتله اصول محاکمه تجارت
نظامنامه سنک یکرمیجی ماده سنک دردنجی فقره سی
احکامنه توفیقاً تبلیغ اولمش عد اولمش اوزره
محکمه نک دیوانخانه سنه تعلیق اولندیجی کبی اوراق
حوادث واسطه سیله دخی اعلان قلندی

۱۲ ذی القعدة سنه ۳۱۷

۲۹ شباط سنه ۳۱۵

۱۹ ذی القعدة سنه ۳۱۷

۷ مارت سنه ۳۱۶

دولت علیه تبعه سنندن مقصودیه خاننده مقیم
صراف استفانی مانجوریدینک بشکطاشده کوپری

تبعه دولت علیه دن بك اوغلنده ساقز اغاجنده مقیم
صراف نیقوغوص جنفرانك اینكی وسودجیلکله
مشغول اقامتگاهی مجهول بولندیغی خبر ویریلان
تبعه دولت علیه دن بدروس ماردیروسیان علیه
برقطعه امره محرر سند موجبیه درسعات
ایکنجی تجارت محکمه سنده اقامه ایلدیکی التمش
سکزر لیرا ویکرمی یدی غروش مطلوبات ادعاسی
بیک اوچیوز اون التی سنه سی مارتنك یکریمی
بشچی جمعه ایرتسی کونی ساعت التیده فصل
ورؤیت اولنه جفندن یوم ووقت مزبورده مدعی
علیه مرقوم بدروس ماردیروسیانك بالذات محکمه
مذکوره ده حاضر بولغمی ویاخود مصدق
سندله بروکیل کوندرمسی لازم کله جکی وشاید
کلز ووکیل دخی کوندرمز ایسه حقنده معامله
غیایه اجرا اولنه جفی معلوم اولق اوزره تنظیم
اولنان دعوتیه ورقه سی محکمه نك دیوانخانه سنه
تعلیق اولندیغی کبی اوراق حوادث واسطه سیله
دخی اعلان قلندی .

۲۱ ذی القعدة سنه ۳۱۷

۹ مارت سنه ۳۱۶

۲۱ شباط سنه ۳۱۵

انطی به قادینك درسعات برنجی حقوق
محکمه سندن استحصال ایلدیکی اعلام نظامی
موجبیه میخانه جی نیقولی زاخاریادی ذمتده
اله جفی اولان مبالغ معلومه نك تأمین استیفا سیچون
مدیون مرقومك بلاطده حاجی علی محله سنده
محکمه التی زقاغنده کلیدسا قارشوسنده واقع تخمیناً
یوز طقسان سکزر آرشون عرصه اوزرینه مبنی
تحتانی و فوقانی درت قادن عبارت التیشیر
اوطه دن اون ایکی اوطه ودرت ابدستخانه وسکزر
صوفه وایکی مطبخ وایکی صحنج وایکی طلومبه لی
قیو وایکی تحت پوش اولوب هر ایکی خانه آرو
آرو استعمال اولنور ومذکور خانه لرك تخمیناً
قرق ایکی آرشوندن عبارت مشترکاً باغچه سی
اولدینی کبی ینه مذکور خانه لرك تحتده بر عدد
دکان تمامنك تاریخ اعلاندن اعتباراً اون بش
کون صکره بالمزایده فروخته تشبث اولنه جفی
درسعات اعلامات نظامیه اجرا دائره سندن
اعلان اولنور .

کامل افندیك اینکجی حقوق محکمه سندن
استحصال ایلدیکی اعلام نظامی موجبیه ایاصوفیه لی
لطیفه خانم ذمتده اله جفی اولان مبالغ معلومه نك
تأمین استیفا سیچون مدیون مومی الهانك
اقسرایده اوروج غازی محله سنده جامع شریف
زقاغنده واقع تخمیناً التمش بش آرشون عرصه
اوزرینه مبنی ایکی اوطه وبر ابدستخانه وبر قیوی
حاوی یکریمی ایکی نومرولی بر باب اخشاب خانه
تمامنك تاریخ اعلاندن اعتباراً اون بش کون
صکره بالمزایده فروخته تشبث اولنه جفی درسعات
اعلامات نظامیه اجرا دائره سندن اعلان اولنور .

۲۴ شباط سنه ۳۱۵

۲۶ شاط سنه ۳۱۵

متوفاة هدیة خانم ورثه سنك بلغار ملتندن
نیقوله ولد قسطنی ذمتده قسمت عسکریه
محکمه سندن اعطا بیورلش اولان برقطعه مقتضا

متوفی حاجی علی افندی ورثه سنک نعلبند
 احمد افا ذمتدن قسمت عسکریه محکمه سندن
 ویریلان مقتضا اعلامی موجبیه اله جقلمی اولان
 مبلغک تأمین استیفاسی ضمنده مرهون بولنان
 ایوانسرای قیوسی خارجنده محمد چلبی محله سنده
 ایوانسرای جاده سنده کائن الی طقوز والتمش
 بر والتمش اوج نومرو ایله مرقم وقف نعلبند
 دکائی دروننده موجود کدکک نصف حصه
 شایعه سی بوندن اقدام مزایده یه قونیله رق لیرای
 عثمانی یوز غروشدن ایکیک الی غروش بدل
 ایله طالبی اوزرنده تقرر ایتمش اولدیقتن یوزده
 بش ضم ایله بوندن دها زیادیه طالب اولانلرک
 اشبو تاریخ اعلاندن اعتباراً اوتوز برکون
 ظرفنده اعلامات شرعیه اجرا دائره سینه مراجعت
 ایللمری اداره مذکوره دن اعلان اولنور .

۲ مارت سنه ۳۱۶

قسطنینک اوخانس شالجان ذمتده محکوم به
 الهجفی اولان معلوم المقدار مبالغک تأمین
 استیفاسی ضمنده مدیون مرقومک قوز غنجقده
 یکی زقاقده ۱۲ نومرولی صرف ملک برباب
 خانه سی تحت حجزه النهرق لدی المزایده بوندن
 اقدام ایکیک بشیوز غروش التون اچیه بدل
 ایله طالبی عهده سنده تقرر ایتمش اولغله تاریخ
 اعلاندن اعتباراً اوتوز برکون ظرفنده یوزده
 بش ضمیمه طالب اولانلرک یک اوغلی بدایت
 محکمه سی اجرا دائره سینه و اوتوز برنجی کونی
 ساعت درت راده لرنده خانه مذکوره پیشکاهنده
 بولنلمری مأموریت مومی الیهادن اعلان اولنور .

۹ مارت سنه ۳۱۶